



SWEBLUL



SWEBLUL

Februaro 15. 2008

AKHARIPE PALA NEVE GILJA PALAJ PANŽTO EDICIJA KATA GILJANGO KONTESTO LIET LAVLUT KATA LE MI- NORITETONGE ŠIBA ANDE LULEÅ, ŠVEDO

Savatone ka 18. oktobri 2008 kam inkerel e komuna Luleå e panžto edicija kata Evropako giljango kontesto Liet Lavlut 2008. A giljango kontesto Liet Lavlut si o jek kontesto pala gilabaitorja thaj muzikake bande, kaj gilaven pe minoritetonge šiba. Anda kodja akharel e organizacija muzikake bande, gilabaitorja thaj kulturake organizacije ande sasti Evropa, te bišalen neve gilja ande l' minoritetonge šiba palaj panžto edicija kata amaro giljango kontesto. Ande giljango kontesto kam participirin 10 ži ka 12 gilabaitorja vaj muzikake bande, save reprezentirin la Evropake regionur, ande save vorbil pe thaj gilavel pe ande jek minoritetongi šib. Le giljango kontesto kam inkerdol ande desa nevo Kulturrens Hus, e bari koncertoski sala ande Luleå.

Ande l' kontestur, save inkerdile maj anglal, sas amen gilja ande l' šiba sar kaj si Baskijsko, Bretonicko, Katalanicko, Kornvalicko, Gaelicko, Galicijsko, Maxicko, Okcitanicko, Romani, Saamicko, Sorbincko thaj Velškicko. Le palune trin data le Saami njerisarde po festivalo. Anda kodja zurales lošas ke e Liet Lavlu avel ande Luleå.

Tume san akharde, te bišalen tumari nevi komponirime muzika thaj tumare giljange tekstur ande jek šib kaj naj prja but hasnime, ande regionalni vaj minoritetonge Evropake šiba.

Liet Lavlut si ande tang kolaboracija avere diferentnone giljange kontestonca ande intrego Evropa kaj si pe l' minoritetonge šiba, kodja si po eksempla, o Liet giljango kontesto ande Fryslân, kataj Holandija, Laulun-Lavlut, le giljango kontesto pala minoritetur kata Skandinavijake thaj Baltikake thema, le Sámi Grand Prix ando Kautokeino/Norveška, thaj po agor, numa naj o paluno, Nos Ur, o angluno Keltikako thaj Škotskako giljango kontesto ando foro Inverness. Le njeritora/pobednikur kata kadala kontestur si avtomatično kvalificirime pala Liet Lut. Le gilja kaj bišalen amenge ande jek kata kakala šiba kata kadala aver giljange kontestur bišaldon anda jek lende.

Uni muzikake bande već kvalificirisajle pala Liet Lavlut. O angluno semi-finale pala le Nordicka thema, pala la Baltikako regiono thaj pala Karelija inkerdilo ando berš 2007 ande Pajala. Morens, ek Mordvinianoski muzikaki banda kata Sarans ande Rusija, njerisardja la žurijako avardo thaj kam avel

akhardi ka Liet Lavlut 2008. Surunmaa kata o Švedo, kaj gilavel pe Meänkielicko šib, njerisardja la publikako avarado thaj kam avel vi akhardi ka Liet Lavlut.

Le njeritorja/pobednikur kata žurijako thaj publikako avarado kata West Evropako semi-finale Nos Ur ande Inverness, kaj inkerdol po 21. juni kam aven vi akharde ka Liet Lavlut 2008. Thaj vi le njeritorja/pobednikur kata Liet 2008 ando Fryslân, Holandija thaj le njeritorja/pobednikur kata le Saami Grand Prix ando Kautokeino/ Sápmi Norveška kam aven akharde ka Liet Lavlut 2008. La muzikake grupe ande Nordicka thema, e Rusija, la Baltikako regiono thaj e Karelija našti direktno aven anda kodja ka Liet Lavlut. Kodja važil pala Frisijake, sa le Keltikake šiba thaj aver minoritetonge šiba ande U.K. ande Irska thaj ande Bretagne. Muzikake bande, save gilaven ande 'k Kelticko vaj Škoticko šib trobun te bišalen penge gilja kaj organizacija kata Nos Ur maj anglal kata 14. marto. Pala maj but detailur dikh e webside Nos Ur: <http://www.nos-ur.eu/>

Le semi-finale bišalen 6 muzikake bande ka Liet Lavlut. Kodja bušel, ke amenge ašen 4 ži ka 6 slobodni thana pala muzikake bande, save gilaven ande aver minoritetongi Evropake šiba. O proceso la selekcijako inkerel jek cikni thaj totalno independentno selekcijaki žuri pe l' palune majoske djesa 2008. La kvalifikacijaki kriterija pala komiteto si kadala punktur: kvaliteto thaj singularno inimitabiliteto la giljako thaj muzikako, e šib, la geografijako buhljaripe, o džendero thaj le artistonge berš.

Ažutimaske informacije kam arakhen pe amari webside <http://www.Liet-Lavlut.eu>. Maj but informacija kam dasa, kana avela amen. Informacija arakhen vi pe Liet Ynternasjonaaal thaj vi le kontestur kaj sas maj anglal arakhen pe sa kodja webside.

Le giljange tekstur thaj e muzika si te aven neve vaj ande nevi vrjama ramome thaj komponirime. Tradicionalni gilja, sar kaj phenel pe, naj akceptirime. Traden tumare gilja pe 'k CD pe adresa, kaj ramol maj tele.

Jek komiteto, kaj si ande leste muzičarja save reprezentirin le šiba kata Saami, Tornedalianur, Frizur thaj Keltur kam selektiril le 4-6 maj laše gilja te žan maj dur ka regionalno giljango kontesto. La kvalifikacijaki kriterija pala komiteto si kadala punktur: kvaliteto thaj singularno inimitabiliteto la giljako thaj muzikako, e šib, la geografijako buhljaripe, o džendero thaj le artistonge berš.

Le gilabaitorja/grupe kaj si alome kam aven akharde te participirin ando kontesto. Liet Lavlut del zor le participanton te roden financijako ažutipe pala dromeske troškur kataj nacija save reprezentirin. Amen ušaravas le hoteloske thaj trajimaske troškur.

Duj avardur anzardon: o jek paj vota kataj maškar-themutni žuri, o dujto paj vota kataj publika. Ando forumo le krisaritorjengo kam avel jek reprezentanto kata svako respektivno regiono le participantosko. Amari intenzija si vi kodja, te keras jek aranžmano kata jek žuvindi radio emisija thaj vi po interneto. Pe kaća sama avel le ženenge, save ašunen o kontesto e šansa, te den peski vota pa SMS teksto vaj pa interneto. Haćardol, ke vi la publikake ande le koncertoski sala avela votaki šansa.

Amari intenzija si, te avel Liet Lavlut registririme palaj publikaki televizija. Vi le filmosko materialo kam avel pe dispozicija pala aver televizijake stacije. Liet Lavlut si desja atraktivno palaj medija. Le štarto edicija kata Liet Lavlut ando Östersund sikadili pe televizija ande panž Evropake thema.

Paše kata giljango kontesto Liet Lavlut kam inkerdon vi uni konferencije thaj aver koncertur. La Evropako Saveto kam inkerel jek konferencija pala 10. jubilejumo kata Čatero pa regionalno vaj minoritetongi šib ande Kultures Hus ando Luleå. La Muzikaki Škola ande Piteå kam inkerel jek konferencija pa minoritetonge šiba thaj muzika. Liet Lavlut kam trajil 3 djes, kata 15. oktobero ži ka 18. oktobero 2008. Le giljango kontesto kam inkerdol ka 18. oktobero.

Le organizatorur si:

SWEBLUL, e LIET fondacija kata Friesland/Holandija thaj uni aver partnerur.

SWEBLUL si jek asocijacija, savi reprezentiril panž minoritetonge šiba ando Švedo: Saami, Meänkieli, Finlandicko, Romani thaj Yidiš.

Let Lavlut si sponsorime thaj dini dumo kataj komuna Luleå, kata Distrikosko Saveto Norrbotten, kata North Calotte Council, kata Saamiske Parlamentostar thaj vi kata uni aver sponsorur.

La Evropako Saveto Ija Liet Lavlut tela peski patronaža, tela auspicije kata Generalno Sekretariato kata Evropako Saveto, Mr. Terry Davis. Vi la Evropako Saveto si sponsoro kata Liet Lavlut.

Rudjis tumen, bišalen tumare gilja kadja, te aresen amen ži ka 1. majo.

Maj but informacija arakhen po www.Liet-Lavlut.eu

Bišalen tumare gilja pe jek CD kaj Birger Winsa.

Pala maj but informacija thaj te aven tumen pušimata kontaktirin

Birger Winsa

Ko-ordinatoro pala Liet Lavlut

E adresa pala CD`s

Liet Lavlut

Birger Winsa

Rapsodivägen 48

S-142 41 Skogås

SWEDEN

Cell phone: 0046(0)739328330

Telephone: 004687719370

E-mail: birger.winsa@comhem.se

Website: <http://www.Liet-Lavlut.eu>

O than kata giljango kontesto si: Kulturens hus, <http://www.kulturenshus.com/>

Hotelosko partnero si o Quality hotel ando Luleå, kothe kam bešen sa le artistur, la žurjake membrur thaj le medijenge žene. O hotelo si 300 m kata Kulturens hus.

Kontaktur pala organizatorur, sponsorur thaj partnerur:

www.Liet-Lavlut.eu

www.liet.nl

www.lulea.se/

www.kulturenshus.com/

www.nos-ur.eu

www.laulun-laulut.eu

www.saami-easterfestival.org

www.nordkalottradet.nu/

www.nll.se/

www.sametinget.se/

www.choice.no/html/page.jsp?iframe=1&langcode=SV&propcode=SE052

www.bd.lst.se

www.coe.int/minlang/